

四庫全書

史部

欽定四庫全書

史部

欽定八旬萬壽盛典卷七十三  
四

詳校官編修臣潘紹經

欽定四庫全書

八旬萬壽盛典卷七十三

恩賚

十二

恩安

臣等謹案燕以示慈惠詩小雅鹿鳴以下五章皆  
君燕臣之詞而臣等祝報之忱必以詒福徧德為  
善頌至如南山蓼蕭諸什每歌壽豈並譽德音蒸  
蒸然衍衍然願承歲飫時宴之樂誠澤及四海慶  
流千載之嘉會也我

皇上福祿來成上下交泰斟元氣而頤太和丕啻堯樽  
禹膳之普渥矣欣茲

介齡八表

恩溢寰宇當元日令辰晨參晝會一時贊拜稱

萬歲肆筵合樂禮洽慶融無有小大內外之臣咸得蹈  
舞班行捧觴上

壽需雲之吉湛露之濃盛矣溥矣莫與京矣越若秋七  
月獻祝

山莊迭開

蝦宴以待

御園布幄同樂新閨綵舞娛奉於

乾清鴻藻鋪陳於

寧壽極溟涬嶽豆之列無以喻

聖渥之高深蓋視漢唐酺樂之會布德猶未及旬即幽  
風公堂兕觥之舉亦不過一國臣民藉抒忠愛而  
已豈如我

皇上五代臚驩萬方均賜堂簾喜起胥蒙

俶祉而忭

鴻施益惟申籲於無疆之床也哉

乾隆五十五年正月初一日

皇上御太和殿

賜內外王貝勒貝子公台吉塔布囊伯克及文武大小

官員朝鮮琉球暹羅廓爾喀四國使臣等筵宴

御製元正太和殿賜宴紀事二律

庚戌

晨參午會慶元正幸復決旬一舉行

庚午子年四句始於元正賜宴太

和殿以後每至十年禮臣稽典先期奉請自庚子至今歲庚戌又十閱年慶登八袞世際重熙元正朝會依例

舉行用洽羣情四十肇臻八成十午庚旋值戌臨庚帝

實昭

景貺

蒙

天眷為獨厚夕惕朝乾所戒盈和共百工承

錫羨難斯罷也矯予情

十五推年五十逢

予年二十五歲踐祚自後紀年逢五則為正壽紀年遇十春秋又恰逢五

五與十皆成數而今歲五十五年又值天地之數自然會合循環相望未可思議

吳倉眷祐予若有獨厚

然者欽膺

天數惠偏鐘歸誠適值正

平聲而賀

廓爾喀在西藏之西萬里歸誠適於歲內

嘉平望到間京元正亦隨班末行禮得瞻朝會典儀自必倍加欣幸

祝壽兼知貢以重

暹羅

本年值例貢之期專遣使臣並賚萬壽貢品至朝鮮歲有慶祝例貢今歲因八旬萬壽復增貢一分非重其物嘉其愛戴之忱可謂明於大義

玉爵屠蘇百禮洽金猊瑞靄萬祥濃撫

時幸值承平會泰九三思凜益恭

是日卯時內外王貝勒貝子公台吉塔布囊伯克  
克等俱朝服在



太和門齊集文武大臣有頂帶官員俱朝服暨朝鮮琉球暹羅廊爾喀來使在

午門外齊集鑾儀衛設

法駕鹵簿於

太和殿前至

午門外樂部和聲署設中和韶樂於

太和殿簷下設丹陛大樂於

太和門內東西兩旁俱北向領侍衛內大臣禮部理

藩院內務府堂官共視設席內務府尚膳正內管  
領預設

皇上御宴桌於

寶座前設黃涼棚反站於丹陛

御道南正中設內外王公及一二品王公大臣台吉塔  
布囊伯克等席於

殿內東西各七行均東西相向

寶座左右設後扈大臣席少後僉向

寶座前左右設前引大臣席東西相向又西設

起居注日講官席均僉向

殿門外西簷下設都察院堂官席東向東簷下設理藩院堂官席西向丹陛下設二品以上諸世爵暨衛衛暨三品以下文武各官外國來使等席左右各三行東西相向左翼又東設喜起舞大臣席西向禮部帶慶隆舞大臣一員席於黃涼棚之左又帶慶隆舞大臣一員及內務府大臣席於黃涼棚之

右陳設畢鴻臚寺官理藩院官引内外王以下文武大小官員俱入内外王貝勒貝子公在丹陛排立台吉塔布囊伯克文武大臣及大小官員外國米使在丹墀內排立已刻禮部堂官奏筵宴齊備請

皇上陞太和殿

午門鳴鐘鼓中和韶樂作奏元平之章

皇上御太和殿陞

寶座樂止鑾儀衛官贊鳴鞭階下三鳴鞭鴻臚寺官理  
藩院官引内外王貝勒貝子公並一二品文武大  
臣以及台吉塔布囊伯克等在

殿内按翼依次各於本位行一叩禮坐引二品以上  
世爵並侍衛及三品以下各官在丹陛上各於本  
位行一叩禮坐引朝鮮等國進貢使臣於右翼班  
末行一叩禮坐護軍叅領尚膳正内管領等恭進  
宴桌於

皇上御前退各歸班立尚茶正進茶丹陛清樂奏海宇  
昇平日之章

皇上進茶王以下文武大小官員各於本位跪行一叩  
禮茶畢仍坐侍衛及內務府官員等分賜王貝勒  
貝子公大臣官員外國來使茶俱就位次行一叩  
禮飲畢復行一叩禮樂止展席羣掌儀司官入黃  
幕內由反站上一員奉壺一員奉爵一員執金卮  
以次進至

殿中門闕外之左西面立丹陛清樂作奏玉殿雲開  
之章進爵大臣離席釋補服王以下皆興進爵大  
臣進前跪王以下咸於坐次跪掌儀司官舉壺實  
酒於爵由中門入西面跪授爵興退進爵大臣奉  
爵興由中陛升至

御前當右北面跪恭進

皇上酒興由右陛下至原跪處行一叩禮王以下俱隨  
行一叩禮進爵大臣興由右陛升跪接爵仍由中

卷六十三  
陸下

殿奏蒙古樂曲次掌儀司官引朝鮮斛斗伎人回部  
伎人金川番子番童等陳百戲畢俱退内外王等  
以下公以上台吉塔布囊伯克文武大臣及各官  
員外國來使各於坐次行一跪三叩禮升陞大樂  
作奏慶平之章鑾儀衛官贊鳴鞭陛下三鳴鞭中  
和韶樂作奏和平之章

皇上還宮樂止衆皆出禮成



臣等謹案元正朝會賀祉開筵自我

皇上四旬大慶肇舉斯典閱庚辰庚寅庚子俱循舊  
例本年元旦載闡上儀際雲日之呈祥集冠裳  
而式序時也履端布惠

康爵普斟允百禮之具洽焉遠至重譯遠人四瀛賀  
介亦獲趨附末班觀儀有秩允伊古未有之盛  
臣等徧沃

恩膏備瞻鴻典欣幸莫能名言蓋從茲

壽稱春筭慶佇秋弧循次類舉將京垓億兆不能紀數矣

秋七月

駕駐避暑山莊初九日張樂為始內外王大臣等咸

賜入坐

每日坐次俱  
四諸珍品分載本門

賞賜服食器  
賞資

十一日

賜王大臣蒙古王公哈密汗土爾扈特都爾伯特哈薩

克來使安南國王緬甸南掌國陪 金川土司臺

灣生番等入坐

十四日

御澹泊敬誠殿

賜王大臣蒙古王公都爾伯特哈密汗哈薩克來使安  
南國王緬甸南掌國陪臣金川土司臺灣生番等  
一百七十一人筵宴晚並

賜萬樹園觀煙火

御製山莊錫宴祝嘏各外藩即事

庚戌

八旬壽亦世常傳慙愧稱釐內外駢六帝中間三合古  
自漢以來帝王登古稀者惟漢武帝梁武帝唐明皇宋  
高宗元世祖明太祖六帝其中惟梁武帝宋高宗元世  
祖年登八十而三帝之中惟元世祖可稱賢主然一堂  
亦未能如予之五代一堂詳見八徵耄念之寶記

五代獨蒙

天何修而得誠惕若所遇不期審偶然益慎孜孜待歸  
政祗餘五年然適百里者半九十正  
是此時不敢不勉又不敢自必  
或當頤老養餘

年

山莊

皇祖此柔遐無減提封實有加

皇祖締構山莊為綏藩惠遠之地予仰承

前烈自西陲底定拓地二萬餘里既又平定兩金川近年緬甸及廓爾喀諸國亦先後歸化且安南國王親身祝嘏東西朔南會為一家提封式廓定為屢舉華巨古所無予惟益凜凜筆謙以敬答佑貺耳

筵欽憶

烈近臨

神御默應嘉南瀛北漠通諸國西藏東麗會一家消息  
盈虛理豈爽益謙損滿鑒寧賒

是日

皇上手賜卮酒者二十三人

阮光平 貢格喇布坦 旺扎爾多爾濟 拉旺

多爾濟 車登多爾濟 齊旺多爾濟 策林納

木扎勒 齊巴克多爾濟 策林烏巴什 巴圖

滿珠巴咱爾 喇什端羅布 喇旺拉布坦

雲端多爾濟 舍楞 納旺索諾木 索諾木巴

爾珠爾 濟克默特伊什 德勒克烏巴什 桑

濟扎爾 沙拉扣肯 卓爾齊 庫庫岱

十七日十九日二十日

賜入坐如前

臣等伏見是年敷天臚慶雲集祝

釐西北諸藩如額魯特霍碩特都爾伯特土爾扈特  
烏梁海哈薩克及各回城伯克等皆先期踵至  
來與王會

皇上垂念生身者多即於

山莊宴賚其東南諸國如安南國王阮光平及朝

鮮緬甸南掌各國使臣金川臺灣生番亦相繼  
羅典屬因於十四日

特舉華筵一體

敷惠越日

命迤北諸部歸游牧蓋悉遵

皇祖時綏藩舊典也

皇上撫茲大順猶惕小康

臣等載繹

御詩益欽仰



顯承志切

福畀攸同而來朝錫予視昔大蒙太平空同丹穴以  
為四極者未底斯盛至若蹌舞之翩聯魚龍之  
曼衍闐沓殷軫達於

京師真耳所未聞目所未覩之鴻慶矣

是月三十日

皇上迴蹕至

圓明園八月初一日

命於同樂園張樂為始

臣和珅謹

奏為奏

聞事八月初一日同樂園開戲看守之王大臣額駙侍衛軍機大臣及安南國王回子番子各國來使等俱擬長班進內其餘王大臣蒙古王公外省大臣等分為兩班每分三十餘人更換入內並常入內者每日約共一百二十餘人繕寫紅綠頭牌二分

進

呈

御覽為此請

旨謹

奏

十二日

皇上進大內於

重華宮張樂十三日慶

萬萬壽

御乾清宮家宴

皇子皇孫曾孫元孫以次舞綵稱

慶禮成仍

命張樂於

寧壽宮之閣是樓

御製乾清宮家宴得句

庚戌

質明慶賀聯時宴風日晴和

天錫機著論近慙四之得

位祿名壽原於大德予荷天祖眷佑幸得壽躋

八旬自視祇覺歛然惟有益凜萬幾以

勅懷益凜萬幾

答

嘉親近著四得論申明其義

幾八旬開袞春秋永五代同堂今古稀

帝王五代同堂者史牒未聞今

日正壽家宴座中五代臚歡寔為非常鴻慶然亦不敢肆然自足也敬識滿謙招受除曰

欣不及惕依依

臣等欽惟我

皇上祉備三多前此增

題五福五代堂已占初祐開先行衍來帛仍雲之祝

上年十一月以新歲為

八旬正壽

諸皇子稟承家法孝道克循

特命進封親王貝勒崇示恩禮茲者

鴻慶屆期爰

錫家宴萃雅從風麟之繁盛繞

膝承

歡稱觴舞綵奉

天容之春晬誠非常隆典也恭繹

御什惟凜

勅幾之懷輦

謙受之福

顧茲慶洽天宗益欽

純佑則又增祥萬葉茂算

億齡之本矣其綵舞製詞譜入樂歌分載典禮門

十六日

駕蒞圓明園二十日

御正大光明殿

賜王以下滿漢文武大臣蒙古回部王公土爾扈特來  
使安南國王朝鮮安南緬甸南掌各陪臣金川土  
司臺灣生番及兩淮浙江長蘆商人等二百二十

三人筵宴

御製賜宴內外藩王文武諸臣即席成什六韻

庚戌

祝釐雖是衆誠申



天恩諸事藏

予仰沐

天恩壽登八袞固深感幸而

自七月中旬旬

於山莊即舉行慶典錫宴外

藩及旋京後由御園往還宮禁中間御殿受賀宴資駢蕃並中外臣民夾道瞻歡舞綵屆時俱值風日晴和衆情欣洽尤微上蒼薦愛賜貺彰明凝承之下能不益感益畏常勵惕乾之意耶益因時叙一

心寅諸巡撫命還省畢

巡撫中來京祝釐者屢經召見賜宴因念地方緊要於十五日

諭遣各回本任

各布按歸厯陞陳

具有巡撫未來而布按來京者蓋數十人亦即於十六十

七兩日普行召見訓諭並各提鎮皆面諭令其各歸

安惠萬民訓外吏晴和今日

宴朝臣承筐是用將百辟勞

去聲

酒亦惟行一巡因便瀛

藩分散遣

今早錫宴禮成後念蒙古王公諸回部及朝鮮安南緬甸南掌各陪臣並四川臺灣諸番

來此已經逾月即於宴次令其各回本部

所嘉戀闕意猶淳

諸藩及各陪臣  
審衆人等月餘

以來扈隨瞻就恩誼交孚茲當還階班舞依依不舍之意發自中誠達於顏面尤堪嘉悅

內務府等衙門謹

奏為筵宴事本月二十日

正大光明殿

恩賞筵宴是日陳中和韶樂於

殿簷兩傍陳丹陛於

出入賢良門內

臣

等公同看視預設

皇上御宴桌於

寶座前隨桌列於兩傍

賞賜物件在

殿前搭黃棚陳設站桌金玉器皿在

出入賢良門下陳設開

殿上閣扇宗室王公蒙古王貝勒貝子公回子王公

安南國王及朝鮮安南緬甸南掌使臣土爾扈特

來使土司番子京城文武滿漢大臣衍聖公外省

提督巡撫等俱各按次入坐

御前

乾清門侍衛將儀仗陳立於

御座傍屆時奏請

皇上御正大光明殿奏樂

皇上陞座樂止衆行一叩禮坐侍衛等進大宴桌奏樂

尚茶正詣

皇上前進茶衆俱在坐次一叩茶畢侍衛等分賜衆等

茶樂止

皇上前大宴桌撤黃袱掌儀司官高舉壺爵由中路進  
奏樂衆皆立執壺爵官員上

殿階在門外東翼向西立斟酒獻爵大臣離席釋補  
服向上跪接酒進前跪敬獻

皇上酒行一叩禮獻爵大臣進前接爵下仍 接行

一叩禮飲畢仍一叩服補服爵大臣跪接行一叩  
禮飲畢仍一叩服補服入班坐衆皆坐執壺爵官

員退

皇上進宴尚膳正等舉肉饌進並分賜兩傍內官領等  
進酒桌將次

手賜酒時侍衛等進酒管筵大臣立視侍衛等遞衆人  
酒一巡衆皆行一叩禮飲畢再行一叩禮是時什  
榜等進前奏曲善撲等按次進前演撲各色承應  
人等陳百戲畢撤宴桌衆皆在坐次一跪三叩首  
奏樂

皇上還宮樂止衆皆出再入宴王公大臣侍衛執事官等俱穿蟒袍補服謹將宴圖一併進

呈謹

奏

是日

皇上手賜卮酒者三十九人

睿親王 莊親王 怡親王 阮光平 誠郡王

克勤郡王 貢格喇布坦 旺扎爾多爾濟 巴

圖 滿珠巴咱爾 拉旺多爾濟 旺沁班巴爾

拉旺喇布坦 索諾木巴爾珠爾 桑濟扎爾

雲端多爾濟 納幹達爾濟 額爾德錫爾

沙拉扣肯 邁哈默特鄂三 阿桂 和珅 嵇

璜 王杰 福康安 海蘭察 彭元瑞 董誥

孔憲昭 朝鮮陪臣二 緬甸陪臣二 南掌

陪臣三 金川土司二

臣等謹案燕喜受祉謂天子以燕禮洽臣下而



受福者孔多焉如漢儀之正會止饗近僚唐典  
之千秋侈頒令甲未足以光國慶而登鴻施矣  
欽惟我

皇上勵旰食之恒勤酌衢尊而普被茂登

耄壽共戴

天長自元日以逮

正慶之月疊舉

嘉筵懽飲中外法饌雲漿之賜華鎗廣樂之陳莫

不醉飽太平遠諧愉暢矧以

聖情寫豫式燕又綏

御詩五萬中無一言及酒而

手卮之逮羣下異數頻施彌恩周而誼洽斯時洒如

肅受忭荷

龍光用靳綽綰

萬年允亘古未逢之慶夫豈特醺醴酌斗引翼維祺

遂足以彰介眉之盛典也乎

欽定四庫全書

八旬萬壽盛典卷七十四

恩賚

十三

賞賚一

臣等欽惟我

皇上寵錫萬方慶賞懋德皆本

萬年純健之精神孚

恩禮於羣下是以歲時

賚予悉有恒經而逾格之施往往流於既溢所謂天子

所予天子命之者義至重也攷史策稱覲君之賜  
諸侯王以下奉皮薦璧玉賀迺以金錢財物答之  
其外臣入朝客省齋賜酒食而已或間賜民爵一  
級授耆老几杖舉無闕誕慶令典母亦陋歟方今  
壽宇同春雖萌卉肖翹畢涵

雨露至於

天墀入賀晉祝

億齡不特翔舞班聯咸深愉快卽化外之愚田間之陋

皆得曲獻其衷乃芹曝之恫方愧末由自將而

園蓋無私陽春徧及接萬里之遠如在堂階同一視之  
仁胥霑膏澤一時物賚無算官秩並加工商技藝  
之微兼施溥逮有餘惠焉因以思臣民衆庶無時  
不被

聖人之恩則亦無事不蒙

聖人之賜臣等既綜輯

恩賚一門而

茂賞之敷復分次臚舉益以昭

帝王之福為天下之公有申錫於無疆者夫豈縟文之  
是尚也哉

乾隆五十五年秋

皇上萬壽慶節中外王公諸臣咸預拜

賜自七月初九日至八月二十等日疊

頒金玉幣帛器物茶果有差

一

賜宗室親王郡王貝勒貝子鎮國公輔國公等二十九

人共玉如意二十五柄蟒粧等緞二百六疋帽緯

二十七匣大小荷包三十九對瓷漆牙盤瓶盃搬

指等一百四十七件及茶果諸品

詔款  
分載本門

恩賜

恩  
詔

一

賜滿漢文武諸臣京職大學士尚書都統

御前侍衛散秩大臣侍郎副都統以下侍衛驍騎校以

上等官外任總督將軍提督巡撫總兵鹽漕織造  
關督以下道府將備丞倅弁目等官以上一百九  
十四人共玉如意八十四柄綢緞等七百十九疋  
帽緯三百三十匣大小荷包三百三十八對瓷漆  
牙盤瓶盃烟壺搬指等七百六十件及茶果諸品

一

賜蒙古內外扎薩克汗親王郡王貝勒貝子公額駙台  
吉塔布囊等一百六人共玉如意一百三柄朝珠



一百四十盤緞錦綢綾氍毹紗葛等一千七百九十疋帽緯三百十二匣大小荷包三百五十對扇一百四十匣瓷漆牙盤瓶盃烟壺搬指等一千零三百十件及茶果諸品

一

賜回部哈薩克哈密汗王台吉子弟貝勒貝子公台吉副使伯克等三十五人共玉如意六柄緞錦綢綾氍毹等三百九疋帽緯一百八匣瓷漆盤盃烟壺

搬指等三百十五件及茶果諸品

一

賜安南國王

御筆詩一章詩扇一柄聯扁一副西湖圖一卷木蘭秋  
獮詩一卷嘉符啓瑞圖一冊

御製詩文集二十二函玉佛一尊玉如意四柄玉東方  
朔一件玉盃二對玉盒一對玉玩二件珊瑚朝珠  
一盤銀一萬兩馬一匹黃韁一副金冠五頂蟒袍

七件蟒粧等緞一百二十七疋帽緯五匣金帶一條玉帶一條時辰表帶鈎一副自鳴鐘一座帶鐘時辰表二個大小荷包十二對扇二柄銀絲匣九個漆桌二張玻璃琺瑯瓷漆盤盃花瓶烟壺等器五十二件硯二方筆墨各四匣絹箋四卷及茶果珍饌諸品

特賜冠帶袍馬等物見謝摺

世子一人金冠一頂

陪臣員從行人護衛隨人管象人等一百五名共大元寶十一個銀七百四十兩緞綢等六百九十

疋布六百九十五疋大小荷包二十二對扇六柄  
筆墨三十六匣絹箋十九卷香四百五十枝玻璃  
瓷漆盤盃等一百五十六件及茶果珍饌諸品

一

賜朝鮮國玉玉如意一柄蟒粧等緞四十四疋貂皮一  
百張馬一匹鞍轡一副硯二方筆墨各二匣絹箋

二卷

交來使  
齋回

正副使書狀官大通官押物官從人

等六十四人共銀一千四百六十兩緞綢等一百

三十八疋大小荷包二十一對布四十六疋馬二匹鞍一副香四百五十枝瓷漆盤盃烟壺等七十件及茶果珍饌諸品

一

賜緬甸國王

御書扇一柄又扇一柄玉佛一尊玉如意一柄金鑲玉亭一座蟒粧等緞一百十八疋玉器六件珐瑯爐瓶一具硯一方玻璃瓷器八十三件

交來使齋回

大小

頭目通事事從役三十人共平定金川戰圖平定回  
部戰圖二分大元寶二十二個小元寶一百個銀  
三百八十兩緞綢絹等二百二十四疋大小荷包  
二十二對扇四柄布一百五十六疋香四百五十  
枝瓷漆牙盤烟壺等器一百九十二件及茶果珍  
饌諸品

一

賜南掌國王

御書扇一柄又扇一柄玉佛一尊玉如意一柄金鑲玉

亭一座蟒粧等緞八十六疋玻璃器十件五色絹

一百張五色箋一百張

交來使  
齋回

頭目先目通事後

生從役十九人共平定金川戰圖平定回部戰圖

二分大元寶六個銀一百五十五兩緞綢絹等一

百二十四疋大小荷包十二對扇二柄布一百二

疋香四百五十枝瓷漆牙盤烟壺等器一百十六

件及茶果珍饌諸品

一

賜金川番二品以下至六品土司土弁土舍頭人等四  
十四人共如意二十八柄銀九百二十兩緞綢等  
二百九十二疋帽緯八十四匣緯帽二十頂蟒袍  
補服裏衣各二十件朝珠二十盤帶二十條大小  
荷包二十對扇二十四柄靴襪各二十對墊褥二  
十副瓷漆牙盤烟壺檟指等二百九十件及茶果  
諸品



一

賜臺灣生番頭目帶領番子義民首通事社丁等二十  
一人共緞綢二百十二疋大小荷包三十對布一  
百九十二疋瓷漆盤盃烟壺火燧等器三百二十  
一件及茶果諸品

八月初七等日西藏達賴喇嘛班禪額爾德呢及  
哲布尊丹巴呼圖克圖噶爾丹錫勒圖呼圖克圖  
等恭遞丹書慶讚

萬壽各

賜佛供珍器幣物有差

一

賜達賴喇嘛玉佛一尊玉如意一柄玉器一件銅鈴杵  
一分雲產石朝珠一盤六十兩重銀茶桶一件銀  
壺一件銀執盃一件琺瑯瓶一件盤一對玻璃執一對  
爐瓶盒一件玳瑁盤一對大小哈達五十五個繡  
黃緞袍一件蟒粧緞各二疋大緞三十疋大小荷

包四對靠背坐褥一分呼圖克圖公扎薩克台吉  
堪布來使等三十三人共玉如意三柄銅鈴杵三  
分雲產石朝珠一盤雕鞍一副三十兩重銀茶桶  
二件銀執盃一件玻璃盤一對瓶十三對盃五對  
琺瑯盤三對瓶一對盃一對大小哈達十四個蟒  
粧等緞二十四疋大緞一百五十九疋虎皮三張  
豹皮五張獺皮三張布六百七十疋大小荷包七  
對

一

賜班禪額爾德呢玉佛一尊玉如意一柄玉器一件銅  
鈴杵一分雲產石朝珠一盤三十兩重銀茶桶一  
件銀壺一件銀執盃一件琺瑯瓶一對盤一對玻  
璃瓶一對盤一對大小哈達二十個繡黃緞袍一  
件蟒粧緞各二疋大緞二十疋大小荷包四對靠  
背坐褥一分呼圖克圖歲本堪布來使等二十一  
人共玉如意一柄銅鈴杵一分三十兩重銀茶桶

二件銀壺一件銀執盃一件琺瑯盤三對玻璃瓶  
二對又一件盃一對大小哈達十四個蟒袍一件  
蟒粧等緞八十四疋大緞八十六疋布三百五十  
六疋大小荷包六對

一

賜哲布尊丹巴呼圖克圖噶爾丹錫勒圖呼圖克圖及  
各呼圖克圖呼畢勒罕堪布喇嘛等一百五十二  
人共

御書金搨金剛經塔一軸玉佛二尊西番七佛像一分  
玉如意四柄銅鈴杵三十三分時辰表二個大小  
哈達三十個瓷塔二座琺瑯瓶二對盤二件玻璃  
盃十對玻璃瓷器三十七件粧錦等緞三百八十  
疋大小荷包七十六對五色香餅四盒香一百五  
十五束

是月十二日噶爾丹錫勒圖呼圖克圖等領喇嘛  
九百人在福佑寺等處恭迎

聖駕共賞銀九百兩

臣等謹按桑扈之詩首言人君受天之祐次言萬邦百辟之獲福攸同由乎寵錫之厚隨其等而有加多出常禮之外者也我

皇大慶之期萬國朝宗嵩呼輯瑞凡與拜舞

彤庭若戴穹蒼而親父母迺荷

天顏忭喜珍賜疊

頒自宗親臣屬以逮藩服遠人各予以錦綺瓊瑤之

品祇受威懾即在黃衣慶讚徠獻遠誠亦莫不  
普諸吉祥徧施多寶蓋千古以來無如我

皇上之大福則亦無如我

皇上之大恩曲逮而彌廣預拜

賜之榮者允宜欽望外之

殊施而竊志親承之幸則雅詩所稱君子萬年福祿

宜之者有同慶也謹附錄安南朝鮮國王謝表

以紀欣感之如一云



安南國王阮光平奏言臣萬里趨

朝謝

恩祝

嘏行抵熱河

山莊幸得瞻拜

龍顏抱見請

安仰蒙

天語殷肫曲加慰勞賜以佛像如意珍貝駢羅藏鋸盈

萬旋

命觀太常之樂

授尚方之餐恍然如聽鈞天如飲沆瀣若乃引對

殿門仰

親裁夫銓擢封章

奏御誦

批答乎丹毫以臣愚陋何以當茲榮遇欽惟

大皇帝陛下撫御萬方至仁燾育此下土臣民所共欣

戴於無已者至於待臣

恩禮千載奇逢三生至幸誠夢想所不到臣初進

覲即奉

賞冠帶袍馬金玉器玩不可數紀是

聖心軫臣跋涉之勞而格外加

恩也迨臣進見于

澹泊敬誠殿欽奉

宴賞錦絲緞絢各色又蒙

欽定四庫全書

八旬萬壽盛典  
卷七十四

加賞玉器朝珠錦足文寶是

聖心鑒臣肫篤之忱而不以尋常藩封見待也至

御製詩文

御筆圖軸乃天地之大文人間之鴻寶而亦以

賜臣其他寶玉奇品膳馐珍味

恩賜絡繹不絕于道尤且曲徇微情

特加異典賜以親王冠服俾臣章采華躬示

寵於王會趨蹌之列而臣之陪臣隨從人等無一不霑

渥賜且臣弱息遠在南交遙蒙

恩勅俾正維城自臣至其子若臣莫不戴

天地生成之德古今外藩受知實未有如臣之遇也今

仰奉

宸衷垂念臣國初創締造方殷勢難久留朝侍旋

諭回國臣感銜

恩不知所報惟顯俟

聖壽九旬重詣

闕廷頻祝

萬萬年悠久無疆之慶臣不勝感激依戀之至謹奉

表稱

謝以

聞

朝鮮國王臣李祘言乾隆五十五年十月十一日

臣承准進

賀兼謝

恩陪臣昌城尉黃仁點等回自

京師齋到禮部咨節該主客司案呈本年朝鮮國王  
遣使具

表慶祝

皇上八旬萬壽仰蒙

聖恩在

圓明園

賞賜該王物件相應開單知照等因奉此竊伏念臣忝

守遐陬偏沐

臧化前後蒙被與

天無極乃茲進

賀陪臣朝

天之行

恩諭諄摯

賜賚便蕃嵩呼慶節猥蒙華袞之

獎琛獻菲品重益瓊玖之



錫緞貂鞍馬絹箋筆墨已是由心之

嘉貺而至如意紋硯之珍迺侈

宸詩

御銘之鐫雲漢昭回榮光輝燭此實往牒所未曾聞屬

國之未敢承者臣雙擎傳玩九頓莊誦謹與匝域

臣民感戴頌祝謹奉

表稱

謝者臣

祿

誠惶誠恐稽首稽首

伏以

楓宸北拱粗效抃蹈之忱

芝函東頒猥荷希異之渥感結千縷

愚踰百朋伏念

臣久沐

皇慈叨守先緒春秋玉帛之靡懈常戴恤小之仁

天地雨露之若偏敢忽事大之禮不意星使之載返遽

蒙心貺之

特紆蜀錦與華貂而誕宣無非

御府之佳品宛駒並寶鞍而遙降更侈文房之希珍迺  
若

奎藻兩篇特鑄寶玉二品

帝化致庶徵之應綏以屢豐

聖德膺九如之庥錫我多福

雲章遠垂於鯀域星文並輝於虹光蓋

眷偏隆於弊邦而

賚迴出於常格茲蓋伏遇

皇帝陛下

化洽五紀

祚行萬齡遠近說懷長荷盈成之

福日月臨照咸頌煦濡之

恩遂令鯁封屢被

鴻渥

臣

敢不每思銘佩益勉圖酬地偏馬韓縱阻執玉

之列心懸

象魏徒切朝海之誠

臣

瞻

天仰

聖無任激切屏營之至謹奉

表稱

謝以

聞

朝鮮國王臣李祘言乾隆五十五年十一月十一

日臣承准禮部咨本年朝鮮國王遣使來京慶祝

皇上八旬萬壽於七月內前赴

熱河瞻

覲仰蒙

聖恩

賞賜該使臣等相應知照等因竊念小邦久沐

洪化前後

聖眷曠絕今古迺者執賁之賤价粗效祝華之微忱猥

蒙

隆私薦被

優渥

熱河迎

蹕近瞻

日表之儀壽山陪

讌獲叨嵩呼之列趨登

御舟仙境聳矚

親授玉杯法醞淪肌寵已極矣榮亦至矣况復近緞花

囊既頒

自序  
卷六十四  
內府之珍藏駿馬雕鞍又侈

天廐之殊錫彩硯貢來華管隨降

恩光所暨匝域咸聳自顧偏邦何以得此於

聖朝也臣與一國臣民感激頌祝謹奉

表稱

謝者臣祗誠惶誠恐稽首稽首

伏以使車遙征慶

萬壽之令節



法筵近侍荷一視之

隆私鰈域均歡

龍光偏被伏念

臣

處東地僻拱

北誠深

熱河之羽葆遙瞻縱阻呼嵩之列左海之包匭靡懈

常切就日之忱不料陪臣賀

八旬之行遽蒙

上國饗一朝之渥節回繞電幸值萬國同抃之辰

恩降自

天至有三价與宴之寵盖以視內服之

聖眷特加眎中心之

殊恩茲盖伏遇

皇帝陛下

道冠古今

澤洽中外

得壽得祿迺日升月恒之庥受共受球符

天覆地燾之德遂推

異數亦及荒陬

臣

敢不祇慶

皇禔恪修侯度東流萬折恒思江漢之朝北望三時彌

切岡陵之祝

臣瞻

天仰

聖無任激切屏營之至謹奉

表稱

謝以

聞



八旬萬壽盛典卷七十四

欽定四庫全書

史部

欽定八旬萬壽盛典卷七十五  
六

詳校官編修臣滿紹經

欽定四庫全書

八旬萬壽盛典卷第七十五

恩賚

十四

賚賚二

乾隆五十五年原任大學士蔡新尚書曹文植詣

闕恭祝

皇上萬壽先年

詔福建安徽督撫察其能不遠來并令傳

旨告之曲示體恤至是咸預稱慶

特賜蔡新詩一章以寵其行復

命沿途酌給舟輿

加賞上復以資頤養曹文植之母並

賜如意貂緞

乾隆五十四年八月十四日奉

上諭明年朕八旬萬壽前經俯允王公大臣之請舉行  
慶祝在籍大學士蔡新尚書曹文植自必進京祝嘏第  
念蔡新年逾八旬而曹文植之母則年已望九若屈

期蔡新精神矍鑠曹文埴之母亦復體履康強伊二人自當前詣闕廷以伸慶祝之誠倘蔡新精力未能如舊曹文埴之母亦漸形衰老則高年跋涉斷非所宜而曹文埴遠涉京師不獲朝夕侍養伊母子亦未免彼此懸戀在蔡新曹文埴俱係大臣心殷葵向必不肯以私情上達因思福建安徽督撫近在同省見聞較切務宜留心體察如蔡新曹文埴有不能遠來之勢該督撫即應力為阻止倘伊二人以朕萬壽未



得與在廷臣工共伸慶祝即令在籍望闕行禮均足  
以展其忱悃也著該督撫將此旨告知蔡新曹文植  
以示朕優加體恤至意

御製予告大學士蔡新來京祝壽詩以賜之

庚戌

八旬幸我身猶健九望憐卿會膝前祇問蒼生待恙告  
相看白髮尚依然六千里豈江山隔一片心原上下聯  
攜添誌予終始意臨歸忍賦送行篇

乾隆五十五年八月十四日奉

上諭予告大學士蔡新年逾八旬跋涉遠來抒誠祝嘏  
具見惻忱召見筵宴時看其精神步履矍鑠如前朕  
心深為嘉慰現在慶祝後自應令其仍回原籍但念  
自京至閩道路較遠著經過沿途各地方官酌脩船  
隻肩輿俾得行程安頓並給人參一斤以資頤養  
示朕優眷耆臣恩加無已至意

臣  
蔡新謹

奏為恭謝

天恩事竊臣恭際

椿禧獲伸葵向仰

聖躬之純固慰洽頻年承

慶賚之便蕃

恩優三接荷

佩囊之親解奉

宸翰之寵頒茲復以臣歸程較遠命沿途酌給舟輿復

賜上復一斤以資頤養

臣跪誦

綸音感深肌體欽承

優賜倍切兢惶伏念江湖

魏闕

昌辰多眷戀之私珍餌蒲輪皓首感  
生成之德捧

奎章之下賁

俯聯一片臣心効華祝以上酬長頌

九如天壽六千里忍言遽去

億萬年冀

許頻來歸偕測海之人共話太平琅嶠誠結瞻

天之願屢隨

王會於彤庭所有臣感激依戀微忱謹具摺恭謝

天恩伏乞

睿鑒謹

奏

臣曹文埴謹

奏為恭謝

天恩事本月十三日蒙

恩賞臣母如意一柄又十四日內閣奉

上諭曹文植之母賞給大緞一疋貂皮十張欽此臣跪  
捧恭領感激難名伏念本年恭逢

皇上八旬萬壽中外臣民臚歡洽慶臣得趨詣

闕廷瞻

天祝

嘏脩觀

慶典屢奉

隆施實為千古遭逢之至幸

臣

母年高不能親申叩祝

以抒欣戴積忱遙望

九重方深悚仄乃蒙

渥澤優加

恩光下賁浮筠煥采琢芝朶以延齡珍木多文鏤檀枝  
而布馥蔚豐貂之翫溫毳丰茸展文綺之華吉雲

燦爛荷

熙辰之異數恚

內府之奇珍捧歸而獻南陔欣博慈顏悅豫拜受宸

北闕感邀

聖德高深刻骨銘心頂戴無量謹繕摺恭謝

天恩伏乞

睿鑒謹

奏



一百十歲國子監司業銜郭鍾岳恭祝

萬壽

恩加鴻臚寺少卿銜

隆隆五十五年八月初五日內閣奉

上諭司業銜郭鍾岳現年一百十歲自福建原籍詣闕  
祝釐精神矍鑠步履康強洵為昇平人瑞著加恩賞  
給鴻臚寺少卿銜用示朕優老引年至意

加鴻臚寺少卿銜臣郭鍾岳謹

奏為恭謝

天恩事本月初五日奉

上諭郭鍾岳著加恩賞給鴻臚寺少卿銜欽此竊臣八

閏下士百歲期齡生長太平祝

聖人願多壽身遊

化寓荷

天子許近光數庚甲之迎

鑒瞻

五巡與

六巡之盛迨乙巳之開

宴預千叟中一叟之榮補書淡墨微名非儒生之夢想

所及

俯念寒糴篤志更國子之

恩秩特頒凡皆九十九歲以後之奇逢况際五十五年

無疆之

大慶扶鳩詣

闕攜來仙屋之籌稱兕介

釐託在

皇人之穀乃復

宣鳳綽以晉階儼鴻臚之參佐質慚蒲謝何期再拜頭

銜陰仰

椿榮惟異常抒額祝歸話

朝廷異數

恩復加

恩幸延耆老長年壽還增

壽所有感激微忱謹具摺恭謝

天恩謹

奏

署江西巡撫姚榮八

覲祝

釐

恩賜其母貂緞

署江西巡撫臣姚榮謹

奏為恭謝

天恩事本月十七日蒙

恩賞臣母方氏大緞二疋豐貂六張臣謹叩頭祇頌伏

念臣母於乾隆五十年五十四年蒙

特賜

御書扁額大緞貂皮屢被

恩施時深感戴欣逢

慶典咸覲

天顏隨鵷序以嵩呼近

龍光而爵喜仰沐

聖慈之錫類復頒

內府之殊珍彩煥層霄文綺賁魚軒之色溫生愛日

豐貂增翟第之華潮曩時

雲漢為章久荷褒榮於

鳳添慶此日

絲綸下賁迭膺

寵錫於蘭陔拜自

彤庭憶績室鳴機之夜歸陳子舍幸慈闈設悅之期  
臚歡實切於全家銜感愈深於

慶節所有臣感激下忱理合繕摺恭謝  
天恩伏乞

睿鑒謹

奏



臣等謹案朝廷禮遇大臣恩加者碩或且錫類  
及於所生此非特一身一家之私慶也蓋

一人躬備諸福爰敷福於羣工

聖鑒俯垂體恤周至有臣下所不敢覬幸萬一者仰  
惟

九重殷注預止高年跋涉之勞曲體人子晨昏之養  
洵

恩優而誼篤焉迨觀夫矍鑠來朝愈以

情睽上下趨踰晉祝無之

寵賁庭闈且使期齡膺加秩之榮疆吏拜駢珍之賜  
遭逢至此朝野同懽何其沾被之溢於分外也

乎當斯時也聞

命者詫為奇遘旁觀者播為美談因以知

皇上壽祺之貞固皆

純龐之慶澤有以推行於無窮咸願受祉悠長閱十  
年而重逢

曼羨益忤頌於無已焉爾

滿漢罷職文武各官建設經壇共申

嵩祝

恩賜錄用給銜者七百五人其候補候選等各有職人  
員均加一級

臣  
阿桂等謹

奏為

奏聞請

旨事恭查向來建設經壇廢員革職之文武大員開列  
名單進呈除奉

旨扣除外俱賞給降二等職銜其餘文武廢員由軍機  
處詳核案情將情節輕者帶領引

見其餘均分別給銜原銜及降等職銜其休致候補候  
選降調之員各加一級歷來遵辦在案本年恭逢  
皇上八旬萬壽普天同慶凡在京及各省在籍人員共  
效嵩呼建設經壇虔申祝

擬今據廣通寺壽福禪林雙關帝廟慈獻寺四處經壇  
名冊開送前來與本年春間直隸新城山東靈巖  
建設經壇接

駕各廢員一并核辦臣等謹將革職各員內在京文職  
三品京堂以上武職副都統以上在外武職將軍  
提鎮文職巡撫等大員開列名單案由進呈應否  
加恩之處伏候

欽定其餘革職文武各員臣等詳核原案除留緝人員

毋庸置議外所有文職知縣以上武職守備以上  
各員酌加核定分為三等擇其情節尚輕者列為一  
等三十九員開叙案由請

旨帶領引見列為二等者一百七十八員酌擬

賞給原銜列為三等者一百六十九員酌擬降一等

賞給職銜此內如從前已給原銜者毋庸再予加銜其  
應降等給銜之人從前已經得過降等職銜者此  
次仍按等加給如有軍流以上餘罪雖經納贖此

次應得原銜者仍降一等其應得降等職銜者再降一等無可遞降者文武俱量予從九品職銜其革去職銜者均降二等給予職銜至刑部司獄五城吏目苑副覺羅學副管長護軍校兩司道府各衙門首領佐雜教職千把外委差官等員人數既多毋庸另分等次均酌擬

賞給降一等職銜凡級無可降之員仍各給予原銜至例應加級人員除現任職官外其降調告病告養

休致候補候選捐銜及揀選截取就職凡有職銜人員均各加一級習舊處分者免其處分毋庸加級所有應行給銜加級人員恭候

降旨後將經壇原冊及直隸山東建設經壇名冊一併發交吏兵二部逐一按名核對遵照辦理再未經揀選就職之舉人貢監生員等及文武新科進士已蒙

特開



萬壽恩科共沾

渥澤毋庸再議已草之舉人生監等多係緣事及覆試  
斤草情節較重應毋庸議謹將臣等核辦廢員緣  
由酌擬具

奏並分繕清單恭呈

御覽謹

奏十月十三日奉

上諭朕八旬壽辰中外臣工同申歡慶所有滿漢緣事

罷職各員會集京師建設經壇共伸祝嘏本年春間  
巡幸山東該員等亦有在新城靈巖等處設壇頂祝  
者自應分別加恩覃敷慶澤茲據軍機大臣將吏兵  
二部冊開各員案由情節分別等第開列清單核議  
具奏朕詳加披閱核其情節較輕尚堪錄用之范衷  
穆克登泰常愷文瑞晉仰馥邊廷掄福保凌廣赤沈  
世燾豐紳福參泰李燦舒慶雲李振文郭繼儀范清  
隆常德徐坤陳務本劉鰲劉得榮文祿趙增陳元善

陳純士荆自新張昉郝文星丁雲銘宮慕超扎爾杭  
阿盧芝田藍玉皂五保梁煥哈芬布時興李步崇李  
榮俱著交吏兵二部帶領引見其草職文武內外各  
大員三全李友棠謝溶生敦福任承恩安麟富珠禮  
托賓泰何俊施國麟亦著一併帶領引見候朕再降  
諭旨其餘應行賞銜加級分別辦理之處著照軍機  
大臣所議行俾得共膺品服之榮以示朕錫慶施恩  
闡澤均沾至意

吏部於十月初五日帶領引

見奉

旨李友棠謝溶生俱著賞給三品職銜回籍范衷著以主事用其革職之案帶於新任穆克登泰晉仰馥俱著賞給降二等銜文瑞著仍以員外郎用常愷著仍以內管領用其革職之案各帶於新任凌廣赤福參泰俱著以主事用其革職之案帶於新任福保沈世燾俱著賞給降二等銜休致豐紳著賞給降三等銜

休致舒慶雲李振文郭繼儀李燦俱著發往各原省  
以同知用其革職之案俱著帶於新任范清濤常德  
著發往各原省以通判用徐坤陳務本著發往各原  
省以縣丞用其革職之案俱著帶於新任劉鰲著賞  
給降二等銜休致趙增陳純士著仍以知縣用其革  
職之案各帶於新任劉德榮文祿張昉陳元善郝文  
星丁雲銘宮慕超俱著賞給原銜休致

兵部同日帶領引

見奉

旨三全著賞給三品頂帶休致安麟著在頭等侍衛上行走托賓泰著在二等侍衛上行走何俊著賞給三品頂帶休致扎克杭阿著賞給四品頂帶休致皂五保著在三等侍衛上行走田藍玉著發往福建以守備補用梁煥著以守備用哈芬布著在三等侍衛上行走時興著在藍翎侍衛上行走李步堂著賞給千總頂帶休致任承恩著交巡捕營以叅將補用施國

麟著賞給三品頂帶休致

吏部議列二等官原任翰林院編修祝堃待詔朱  
玉衡詹事府左庶子九十四御史鄭澂郎中靈毓  
主事張為裘內務府管領得勝保郎中四福理藩  
院員外郎齊克坦國子監助教吉清布政使永慶  
富明安按察使巴尼琿糧道初之朴巡道觀祿文  
德劉光昱知府觀亮恒豫袁鑒張思振廷毓倬令  
阿李心耕何文耀彭時清韓永同知周道隆李炳

夏家瑜許祖堯沈霽劉長松諾明阿孔繼棟提舉  
吳昇通判楊朝炳李英柳遜夏葛應淳丁時勤蕭  
應鋤張正仁運判汪寶善知州書明阿興德戴書  
紳王鴻譽李祖直黃廷鏞張垌宋鑣陳良翼莫和  
元知縣沈絢呂奎曜沈可培李璫蔣振閻唐汝風  
張秉越舒元灝劉立詮楊復鍾廷英張裕袁錫衡  
潘衡俞潮何霈霖李樹德蔣大綸興德魯光訓朱  
兆端金仁覺羅永慶黃宗伊查浩王露張燮鼎黃



叔傳羅拔陳士鳳舒展李嵩喬葉夢齡蕭虞單湘  
楊震春何秉權胡京王孚鏞汪斌郭德平梁世祿  
陸鳴梧潘成章李文起陳愷馬良騏洪星煥張其  
昂余芳吳廷竒田登徐志鼎陳寶田徐藩李敬敏  
徐秉文馬崇信程巉胡守業朱潛發巴精阿以上  
一百十六員俱係緣事革職並無餘罪列入二等  
應給原給又主事廖占鰲張旭齡大理寺寺丞劉  
秉恠通判王烈知州沈長春元依祿金垵王葆元

知縣捐陞知州許承志知縣李策歐陽樹韓為霖  
熊起礪陳士駿談清趙椿齡以上十六員俱係草  
職後擬問徒杖應降一等給銜又員外郎葉成額  
按察使王廷燮糧道王均巡道朱瀾知府王汝璧  
張燮同知徐聯奎通判施雲漢知州景椿知縣李  
名揚孫震李光萬吳蘭穀邊士堪以上十四員俱  
係革職後問擬軍流應降二等給銜議列三等官  
原任鴻臚寺卿劉樽國子監司業黃壽齡郎中吾

祖望袁鎬富森捐郎中銜范李員外郎王訥主事  
王肇成李洵周嘉猷李靜淵趙溶王德潤內閣中  
書康儀鈞張位筆帖式保住誠德明寶德增萼副  
指揮王荼徐恩巡道邊學海知府任溥施誠同知  
羅美睿劉望齡吳鎡饒九疑通判張源曾土州同  
捐陞通判泰山知州厲學沂張純高映侯雲漢多  
澤厚賡景明知縣施峻任作乂任惠涂寧先王炳  
耀李椿田嘉種劉鳳鳴雷塲楊秉彝張慶綰胥繩

武張道昌周愛蓮劉業俊姚龍光孫功烈曹思鑑  
馬文灝馬衍宗高虞祥張琰曹學詩宋維翰劉元  
鼎才彙征夏至選王辛李舒乙牛敬一洪煦丁履  
仁賀永瑞胡焜持莊張挺汲沈遠標葉樞焦式沖  
以上七十五員俱係草職後並無餘罪列入三等  
應降一等給銜又員外郎彥方筆帖式咸和福存  
副指揮金鑿鹽法道周廷俊知府牛繩祖同知鄭  
邦柱李洗心葉潞提舉吳燧知州于煌吳鳳來瞿

朝宗知縣顧永中翟建屏王秉正張士凱王其緒  
吳獻王惺邱龍標徐延翰富森布米錦趙廷樞江  
繩黃德齡張潤王志楷李孝澍孔毓檀金序瑒李  
恩宜趙淳丁鐘戈雲錦李世偶李天英劉光第夏  
侯錡以上四十員俱係革職後問擬徒杖應再降  
一等給銜又給事中葛鳴陽郎中宋國璇員外郎  
圖山布李閏按察使吳之黼鹽運使沈樹聲張萬  
選糧道鄭澐巡道俞成王麗馬樵周升桓知府弓

養正方林范思敬馮埏李華鍾程夢元張官五鄭  
廷望同知景旺楊先儀席纘湯廷芳通判李叙知  
州楊奎永錫陳珏成胡錦曹麟開知縣孔昭烜馮  
汝為劉璫王家幹張景運侯秉鈞王猶龍林瑯奉  
鄧謙利以上三十九員俱係革職後問擬軍流應  
再降二等給銜又員外郎永善苑副明慶副管長  
廣慶博士陸新應降一等給銜司務愛仁阿應降  
二等給銜筆帖式銜定德應降三等給銜知州陳

煥應降一等給銜知縣明德布應降三等給銜佐  
貳教職李寶喬祝汝弼沈驥雲勵世求劉天綸黃  
燦魏翼于庚李世龍柴中榆魏九倫于紹曾邱思  
永黃冠軍毛敬昭楊照丁觀堯張廷獻聶瑜朱桐  
黃珩吳士謹邱德孚劉焜王起元劉大呂沈元欽  
汪兆鼎黃時和孟大年湯汝梅陸昌曾屈振甲梁  
烜宋思謙萬祚彬周志禮張曾翥孫鈞吳曙雲張  
裕柱胡尊仁楊益虔王千里潘元振李炳霞陳雯

張述宗張士俊歐煥奎程瀛登王德華吳彬鄭其  
鳳張應綵張廷樞周天錫查潛宋宗璟王令份梅  
曰瑚周謨揚諸葛移莊汝明孫廷拔潘河黃良柱  
盧嶠何琳石雙南朱龍耀陳照張士璟鄭瑄吳元  
陞徐燦高壽王錫正趙萬年俞觀旭王瑜陳廷照  
劉濬劉照書徐如洪丁名敬丁名敕唐寶樹辛開  
一程學韓薛天佑王錦文曹學周崇高李憲祖包  
大鶴孔昭錦孫濤姚昉朱懷玉單國榮段雲龍徐



維則程元鼎盧輝增楊朝玉宋天壽繆湘以上一  
百零八員應降一等給銜佐雜張學英李勁楠查  
桐蕭濬洪基陳英棟高其梅楊占先朱惇德黃元  
泰屠士林邵宗堯蕭斐章蕭應鎮王鑑張漁周禮  
周佳士王岳揚沈玉麟李景劉必達陳應思馬昶  
李廷選陸兆元呂岐蕭劉唐生張培郭堤嚴文珍  
梁士璋高秀升徐岱吳超龍熊芳姚應龍姚承裕  
張應選謝用鴻謝詔銓周世珏朱浩閏逢源鍾式

金陳嘉謨王文華謚孝曾利緯周鏜趙連璧馮繼  
先羅恩深曹文裕馬麟書陞吉韓曰煌李大均沈  
大字錢庶張蓼曾馬廷鑑張錫誠張保模徐德華  
王明福張寶材丁文濱王恒伯金廷佐袁士元趙  
萬清李烜戈幽丁啓元繆廷琨李從龍王赤南顧  
基胡炯董漢亮唐嶽謝元發顧德煒茹鳳鳴王錫  
圭朱照遠周徹李奉珽陳箴李琳王維新俞邦彥  
錢瑩王槐宋熠張玉吳景照沈如高奕孝朱葵寧

祖慰陳文煥陳開甲孟兆濬秦永寧史積琳李先  
甲謝世蘭周邦賢李培單應璫單煇呂曠懷周維  
清劉勛李星橋呂浩王煥蘓以泰劉人傑何光曙  
馬元泰蘇錫章何致慶張蘭誠黃文杰盧文耀汪  
璘周相容吳瓏湯泰生孫良弼蔡文彬馬泰謝際  
運韓書陸之璽牛緒祖方珠李若虛程拱宗曹鑄  
韓昌宋枚黃應元陳廷錦丁蔭榮屈芳琇何錫韓  
朱鑾趙士璜何重謙黃鳳周嗣業盧玉成張兆鯤

惲毓秀劉心法張琪趙存焯曾灝蔣攸鑒宋之黻  
趙世昌陳大鳳陸執玉蒲滋馨任廷梅王廷瓚余  
啟鰲張治張裕福朱大用馮灝張大鵬張霖查宜  
芳程兆勝史宗朝卞潮鈕正綱李萬春陳錫文陸  
廷颺倪文煥黃鶴邱奎射吳敬臣蔣世煥施作梅  
程繕杜報恩張增琛駱鶴年陳以湜葛崇仁胡禮  
模安字樂馮允欽李雲棠濮師惲一清田舍初趙  
萬年鄭燭劉尚恕朱載鑑史泰孟廷璽徐銘標樊

鈺王秉彝胡章溥申諛魯恕蔡杜杰穆士濂張拱  
辰姚益佩賈希朱陳曾楣陶淦王繼棕胡堯棟何  
兆玉姚承華胡瑛金城喬峒莫玉紱孫錫純杜安  
邦任廷弼王士端邵嗣穀陳其道狄培沈鈺李蕙  
周德沛袁樂昌洪嵩年劉暄楊念槐張南至以上  
二百四十六員應降一等給銜查該員等俱係無  
級可降微員應各給與原銜以上共六百六十二  
員俱分別等第給銜奉

旨如所議行

八月二十六日奉

上諭編修周厚輅前因大考休致今來京祝嘏進獻詩冊復命出題考試所作詩句文理尚順且該員因繕寫越幅列入四等休致並非文理荒疏尚可加恩錄用周厚輅著仍以編修用

臣等謹案盛王之世人無棄材大易著无咎善補過之占周官垂再宥曰過失之典有深意焉

我

皇上愛惜人材拔幽起伏不以微瑕偶累致廢斥之  
自甘是以

甄錄頻施曲示成全於格外茲遇

熙辰行慶大小偕來悔前此曠官之失感平昔受  
恩之隆藉申匍叩祝

釐再瞻

天日斯亦振奮騰躍不能自己之悃忱迺

皇上特申新命引對

彤廷或舊秩之復除或降資而量授務各遂其圖  
報之私至夫加級給銜陟新階而榮命服寔羣

沾夫

浩蕩焉慶賞為德有如斯之洪纖畢暨也哉



欽定四庫全書

卷七十五

欽定四庫全書

八旬萬壽盛典卷七十六

恩賚

十五

賞賚三

恩叙

萬壽慶典在事諸臣

特予晉級

乾隆五十五年八月二十二日內閣奉

上諭本年朕八旬壽辰中外臣民俱踴躍輸誠共申祝

煖前歲即經王公大臣及督撫大吏等陳請辦理慶典經朕特派總理各事宜並諄諄訓諭毋得踵事增華致滋糜費茲朕于十二日進宮受賀十六日禮成出御園往來閱視道旁點景綵飾雖未免尚多華瞻而規置安頓之處均屬整齊妥協不惟外藩君長暨諸國貢使人等目覩昇平景象鼓舞欣忭即工匠人衆以至附近鋪戶俱可藉此稍霑利益且西直門外添蓋之鋪面皆資商賈貿易開張民間日用交易甚

便而外省所輸經費較之三十六年有減無增所辦  
點綴都較三十六年更為完好是此次舉行慶典既  
足抒臣民愛戴之忱而經理

詳定章程留心稽察俾臻妥善所有總辦慶典之阿  
桂和坤福長安胡季堂金簡李綬伊齡阿均著加恩  
交部議叙其在事出力之總辦監督各工員亦著查  
明分別等第一體議叙以示朕行慶施惠至意

臣  
阿桂等跪

奏為恭謝

天恩事十月二十七日奉

旨總辦慶典之阿桂和珅福長安胡季堂金簡李綬伊  
齡阿俱著加二級欽此欽惟我

皇上泰運重熙

乾行合撰正輪週于當午

慶溢璇圖叶環轉于逢庚

箕長璫錄

建五而備膺五福

登三而慶遇三秋

鑒羣倫獻嘏之情殷舉

八袞稱觥之典茂仿蓬壺於海上積疊籌合合角亢于

中天迴環珠斗魚旬秋朗祥雲與麗日爭輝萬里

風和仙樂共衢歌並轉羅香載道學膜拜以爭徠

執玉盈階效恭禱而恐後允稱

熙臺之上瑞聿開王會之新圖迺復

崇儉為懷撓謙著吉

鑾輿乍莅先節彌文

鳳罕重經均敷

閭澤聚工商而交市懋遷益荷

皇仁增屢肆以居民遊泳胥叨

帝澤凡此

九重乘時之敷錫實為億年初觀之規模臣等志切臚

歡職漸協力燕喜惟吹夫邇籥鳩工非藉于岐簠

愧荷

絲綸特加甄叙竊幸階增兩級現叨逾格之新榮再瞻  
典洽

九旬還沐慶成之舊例臣等曷勝感激歡忭之至謹合  
詞繕摺恭謝

天恩謹

奏十一月初一日奉

旨知道了



十一月初一日奉

旨總辦慶典工程係和珅金簡專司其事著于所加二級外再加一級彭元瑞前曾查勘工程現又纂輯萬壽盛典亦著一體加二級

臣和珅金簡彭元瑞

奏為恭謝

天恩事竊

臣幸依

壽寓游被

寵光苞符交會於

慶辰祝頌藉申於

盛典集九垓之觥斚如聞太室山呼合萬國之梯航竝

入文閭王會獻臺萊于幽雅陳襲舞於

堯衢即上壽溯自三皇未必臚歡之廣况

聖齡高于六帝宜登紀盛之書而且

大賚推恩

惠心孚吉執役飽子來之直懋遷欣利市之增捧

賜銀牌徧被杖國杖鄉之叟分

頒鏐帑下逮攻金攻木之工

心恒厯于屏華

謨必垂諸經久

論宣四得見天人和一之符

記念八徵叶風雨和會之應際茲嘉禮競効歡心方以

在事為榮自知何力之有喜庶同于舞綵愧未足

以竭綿臣和珅等情切兇稱職司鳩庀數比蕃於

康錫適符接晝之三

恩獨曠於班聯仰被

欽時之五

臣

元瑞偶塵省視叨預編摩能未効一職之

勤殊慙稱塞叙忽荷重階之晉自問僥逾運值

長春啟戶之微蟲各奮

天垂膏露依階之寸草俱榮感惟勤慎之交銘心願

升恒之久照所有

臣

等感激下忱理合繕摺恭謝

天恩伏祈

睿鑒謹

奏

羣臣進獻

萬壽詩冊遴選百篇

戴歌頌門

恭呈

御覽

恩賜大綬者十有二人

十月二十三日奉

旨內閣學士翁方綱順天府府尹吳省欽翰林院侍講

吳壽昌編修劉鳳誥禮部主事宋鳴琦俱著賞大綬二  
疋翰林院編修盧蔭溥俞廷樞程嘉謨阮元庶吉士  
張師誠舉人周嘉猷生員施鑾坡俱著賞大綬一疋

臣翁方綱跪

奏為恭謝

天恩事本月二十三日軍機處傳

旨賞臣大綬二疋欽此竊臣猥以庸愚疊荷

聖主鴻慈

恩眷優崇涓埃未報本年恭遇

皇上八旬萬壽

臣隨衆繕進頌冊敬繹

聖人躬踐範疇之訓雖勉強鋪陳經義不過掇拾後儒

注釋之詞而於

乾坤之容

日月之光毫髮未能摹繪捫心揣分正切悚惶乃蒙

聖恩逾格隆施

寵光下賁榮霑綺繡欣依

溫綽之垂被服

恩輝永荷

長春之錫所有

微臣

感激下忱理合繕摺叩謝

天恩謹

奏

臣

吳省欽謹

奏為恭謝

天恩事本月二十三日軍機處傳



旨賞

臣

大綬二疋

臣

謹詣

宮門叩頭祇領竊

臣

職居京尹

盛仰

王畿

日月之所照臨梯航于焉和會

八徵衍慶萬方蒙玉燭之調

大誥覃敷三輔共春臺之樂仰

聖躬之純固

親耕

親田同

壽宇之太平來王來享衢歌壤頌臣偕歡忭於康莊鳳

舞麟儀臣預趨蹌於

廷陞乃以巍巍贊大穆穆窺

天附西京樂職之詞陳小雅介釐之義猥蒙

特賞雲霞下於九天捧出雙鯉光彩盈於萬戶雖臣率

兆民而進祝忻喜愜而詞意親而臣偕八伯以臚

歡賡颺申而

主恩渥所有感激微忱臣謹繕摺叩謝

天恩伏祈

睿鑒謹

奏

臣阿桂等謹

奏為據情代奏恭謝

天恩事據翰林院侍講吳壽昌等呈稱本月二十三日

奉

旨侍講吳壽昌編修劉鳳誥禮部主事宋鳴琦各賞大  
緞二疋編修盧蔭溥俞廷樞程嘉謨阮元庶吉士  
張師誠舉人周嘉猷生員施鑾坡各賞大緞一疋  
欽此謹叩頭祇領伏念 壽昌等學愧雕蟲才慚刻  
鵠讀祕書於三館增一知半解以無能編

慶牒於萬齡稽五帝三皇所未有恭遇我

皇上右文典學

念耄闡微

四得兩論尊謙昭

聖德之光九如全詩

多福協天保之頌此在寰瀛臚祝真言語之幾窮若徒藻緝摘詞更

高深之無當臣等近承

教養勉習業於文章仰覩

光華凜

敷言於彛訓

健行貞吉占泰九三乾九三之交

富有日新闢

文二集詩五集之秘偕壤塗而詠澤惟欽

天大難名會章部以算年共卜

壽增無量乃荷文鯨

寵錫

溫綺褒嘉捧來霞彩同欣被服之榮

賜出雲階下逮章縫之士所有忭感下忱謹具呈懇請

代謝

天恩理合據情代奏伏祈

睿鑒謹

奏

先是七月二十五日原任翰林院編修周厚轅原  
任大學士梁國治之子舉人梁承雲原任尚書周  
煌之子舉人周興嶧迎

鑾獻冊

恩賞周厚轅大緞二疋梁承雲周興嶧各一疋

勅各省督撫曉諭耆老不必遠來慶祝屆期順天及各  
省在京之年老官員兵民等恭迎

聖駕仍加

恩賞

乾隆五十五年二月十七日奉

上諭朕披閱康熙年間



萬壽盛典恭載

聖祖仁皇帝六旬萬壽時各省老民多有來京慶祝者今  
朕壽屆八旬普天同慶薄海臣民咸深忭舞朕恐外省  
文武大員紛紛籲請是以每省酌派二三員並令各  
帶道府承倅將脩等官來京以遂其祝釐瞻覲之忱  
至各省耆民人等雖未降旨准其赴闕而草野情殷  
葵向思欲遠來効悃祝延萬壽者各省想亦不少朕  
思年老之人正須頤養長途跋涉未免辛勤或因不

服水土偶生疾病轉非體恤高年之意不但外省地方道路遙遠不便前來即順天直隸老民僻居鄉隅亦不必齊赴京師致滋勞頓前已于恩詔內查明各省耆民賚以粟布銀兩溥被恩施茲特再降諭旨著各督撫轉飭地方官出示曉諭凡欲來京慶祝之老民等俱著不必前來以副朕安老引年之至意將此通諭知之

是年八月

恩賞各省在京迎

駕之八十歲以上官五員每員二十兩重銀牌一面七十歲以上官九員每員十五兩重銀牌一面九十歲以上兵民四十四名每名五錢重銀牌一面七十六十歲以上兵民八十七名每名四錢重銀牌一面又順天府屬迎

駕之九十歲以上至七十歲以上老民六十四名

恩賞銀牌各一面餽餽十二棹又浙江省在京迎駕  
駕之九十歲以上老民八名

恩賞一兩重銀牌各九面壽杖各一根八十歲以上老  
民四十九名每名一兩重銀牌八面七十歲以上  
老民三名每名一兩重銀牌七面

兩淮浙江長蘆等商人承辦

萬壽慶典

特旨分別賞賚並

賜入宴

見本門筵宴

乾隆五十五年八月十二日奉

上諭本年朕八旬壽辰中外臚歡兩淮商人情殷祝嘏踴躍急公具見惻忱其一應運課等項業經節次調劑以抒商力今該商等愛戴輸誠共伸華祝允宜特沛恩施用昭嘉賞所有此次兩淮承辦點景之總商洪箴遠鄭旅吉汪日初王履泰尉躋美江正大張大安巴敬順巴恒大余晟瑞黃灤泰程儉德張廣德羅

榮泰鮑有恒黃恒茂張肇恒孫世昌汪肇泰吳開大  
吳是聚已善裕汪益新鮑逢吉賈恒順等共二十五  
名俱著加恩於現在職銜各加頂戴一級以示獎勵  
又奉

上諭今歲朕八旬慶節率土臚歡現在來京祝嘏臣民  
俱已疊沛恩施同沾愷澤所有承辦慶典之浙江商  
人志切呼嵩亦宜一體加恩用昭嘉獎著將該商等  
本年應交柴塘生息銀十二萬兩於五十六年為始

分作三年帶完以示朕錫福施恩至意

八月二十五

頒賞三四品職銜兩淮商人洪箴遠鄭旅吉汪日初王  
履泰江正大張大安巴敬順浙江商人何承和方  
瑞登吳志仁姚泰許紹奉五六品職銜兩淮商人  
程儉德巴恒泰黃灤泰俞晟瑞浙江商人楊恒昌  
汪順吳本初吳仁豐天津商人王佩第愷劉克昌  
楊世安張永銳金起霖楊秉樾徐都齊嘉穀魏臨

任振宗張天瑞李金鑑李文祿七八品職銜兩淮  
商人尉躋美浙江商人江立本天津商人及貢監  
商人朱晉郭鴻宋思德展秉禮董調元于義昇李  
汝士韓鴻起范承業張帝臣張爾發等共四十七  
人共耕織圖詩畫十二分九老會詩四十七張漳  
絨寧綢宮綢絹共三百二十八疋大小荷包一百  
十八對貂皮二百三十四張

兩淮鹽政

臣

全德謹



奏為代奏謝

恩事竊照兩淮商人洪箴遠等世受

聖恩感深

覆載籲請來京承辦

萬壽慶典於本月十二日恭奉

恩旨俱著加恩於現在職銜各加頂帶一級欽此該商

等拜

命之餘歡呼感戴隨據呈稱

箴遠

等離業淮

南世叨

恩渥恭迓

六飛之時莅

寵賁湖山欣逢

七萃之頻臨榮增爵級或全蠲網課

特恩沛而藏富彌多或借運

帑金商本裕而奇贏累倍比者疏宣積滯嚴緝私銷  
奉樽節之規條愈流通於鹽筴春風萬竈海濱則  
斤鹵充盈返照連江漢口則帆檣上下感

君恩之優厚葵向常殷祝

聖壽之崇高嵩呼倍切逮

鈞天之嘉宴大樂初聞許福地以偕遊珍鏐普被既便

蕃之晉錫復

重命以巽申華簪並沐於

龍光新級同鐫於鳳紀無茲華祝未効區區際此

堯天真同蕩蕩伏願

九旬萬壽常瞻

王會以胥來三江五湖引領

帝車之時邁所有

歲遠

等感激下情謹合詞呈請代謝

天恩理合據呈代

奏伏祈

睿鑒謹

奏

臣  
江蘭謹

奏為恭謝

天恩事竊

臣世荷

恩培欣逢

壽社仰邀

殊擢重陟卿垣得隨鵷鷺於

慶霄獲覩共球於

王會茲復蒙

特恩加

臣弟江藩

三品頂戴

臣聞

命之餘實深感戴欽惟我

皇上

泰符順應

乾德健行

光華普被於萬方

廣運彌勤於乙夜叙九疇而有

慶先叶

八徵備

五福而蒙

麻親覘

七代五十五年方長之

景運二十二史未有之

隆期舉率土以臚歡獨全家而誌感

寵被迎鑾江上淮南草木生輝

恩沾稱兕堂前

闕下衣冠增煥伏願

堯天旦旦

軒紀年年千齡共樂於登臺億載抒誠於擊壤所有臣

感激微忱謹率

臣弟

江藩

虔候工次叩謝

天恩理合繕摺奏

聞謹

奏

臣琅玕謹

奏為代奏謝

恩事本月十二日恭奉



恩旨浙江商人本年應交柴塘生息銀十二萬兩於五十六年為始分作三年帶完欽此該商等感戴

天恩歡呼抃舞隨據呈稱竊商等幸際

軒齡欣瞻

禹會感

恩培之優渥三疊久慶安瀾遊

壽宇之熙恬

六幸曾迎

駐輦擬抒誠於鰲戴湖山則縮地未能僅効悃於兕稱  
雲日則躋堂彌近乃荷

芳林錫宴

內府頒珍慰麗澤之同情承負暄之重賞茲復

溫綸特沛

寵渥優沾塘工本捍禦之

恩億萬重蒙貸息坍漲荷

精神之燭三年復沐奇贏惟有合頌三多申祈

五福

九旬有慶更隨天竺雲來

萬壽無疆願共海潮音廣所有感激下忱謹具呈懇請

代謝

天恩理合據呈轉奏謹

奏

恩賞正一真人張起隆賢良寺僧實寧杭州各寺僧實

蔭等

八月十二日正一真人張起隆賢良聖因淨慈雲  
林法喜等僧衆恭迎

聖駕

恩賞張起隆八絲緞一疋五絲緞一疋春綢一疋絹一  
疋大古香三十枝藏香三十枝僧實寧實蔭等五  
名四體字無量壽佛咒請雨經各二部銅佛各一  
尊香色絹各一疋香色春綢各一疋大古香各二  
十枝藏香各二十枝僧衆十六名香色絹各一疋

大古香各五枝藏香各五枝

恩賞迎

駕慶祝之工匠雜技人等

八月十二日

皇上自

圓明園進

宮沿途慶祝之工匠雜技人等六千二百二十四名

共賞銀六千三百四十六兩

臣等欽惟我

皇上瑞叶苞符，瓌瀛萃慶，稽十有二萬皇極之書，從  
未繫斯景，運天下之祝。

嘏來庭者如百川之朝海，衆星之拱辰，方愧惓忱之  
未能畢獻，豈復僥希。

聖澤於格外顧幸。

盛世地天交泰之會，人和歲豐開。

慶典於都畿適逢旭日麗霄祥風拂路，迓。

鑾儀而有喜陳王會以增圖在集事之臣子來之庶  
惟恐殫力未周其曷以仰承

聖豫而我

皇之溥益臣民者則愈無不至焉

睿謨崇儉而庀工兼予以重階

茂德光謙而臚頌惟嘉其得體矧野老之葵傾莫遏

工商之鳩役爭先讚

大年如壽佛長春榮休風則康衢輳集媚茲之義不

過略展寸私而

厚賚均頒已繁稠之逮徧然則

聖人之不遺一勞不吝一賞非皆

德之渥著用以協悠遠而豈溥施者乎





